

TOUCHER

CENTURION ROLBALKLUB

CENTURION BOWLS CLUB

www.centurion.bowls-club.co.za

secretary@centurion-bowls.co.za

NUUSBRIEF / NEWS LETTER

April/Mei

2022

April/May

Die lewe het onomkeerbaar verander en ons moet aanpas of onself langs die pad verloor.

Wat nie verander het nie is die seisoene. Herfs het al sy kleure begin wys en maak ons rustiger. Dis nie net die bymekaar hark van blare nie maar ook die bymekaar hark van hopies van ons herinneringe. Dis God se stem in die natuur wat vir ons sê: Ek is altyd daar, altyd dieselfde en met baie genade. Glo en vertrou net.

HOPE is to hear the melody of the future.

Faith is the courage to dance to it today

DIE STAND VAN ONS KLUB

Centurion Rolbalklub is verheug oor die nuus dat die ramptoestand weens Covid opgehef is. Daar is nog enkele beperkings, maar gelukkig raak dit ons nie te ernstig nie.

Die afgelope twee jaar was maar moeilik, nie net vir ons as klub nie, maar vir die meeste rolbalklubs in BGN en regoor die land. Sommige klubs het dit nie gemaak nie en andere het, soos Centurion, hulle deure met moeite oopgehou.

Met die eerste vlak 5-inperking het ons besef daar gaan 'n tyd lank geen inkomste wees nie en daar gaan ook nie werk gedoen aan die perke nie. Ons moes ons lede vra vir vrywillige bydraes om kop bo water te hou en danksy julle hulp kon ons darem die mas opkom. Die uiteindelijke gevolg was dat ons reserwes beduidend gekrimp het, met min hoop om dit aan te vul.

Hierdie swaar tyd het verbygegaan en ons kon weer ons perke restoureer tot die standaard

waar ons nou is. Ons het afskeid geneem van Dup as perkemeester wat 'n welverdiende ruskans geneem het. In daardie tyd het ons ook moes klaarkom sonder 'n behoorlike voorman wat die Stadsraad se werkers moes bestuur. Die gevolg hiervan was dat die perkemeester wat ons aangestel het, Kobus Nieuwoudt bedank het, soos ook sy opvolger, Jaco Immelman. Hulle het hulle bes gedoen maar kon nie regkom met die werkers nie.

Toe die BGN-liga uiteindelik weer begin, kon ons net toekyk hoe die wedstryde na ander klubs geskuif word omdat ons perke nie op standaard was nie. Hoewel ander klubs en perkemeesters ons gehelp het met raad en toerusting, het dit 'n verdere negatiewe invloed op die klub se inkomste gehad.

Die bestuur het besef dat ons 'n plan moet maak en het toe vir Bertus van Rensburg aangestel om toesig te hou oor die perke. Ons kan almal sien watter goeie besluit dit was, te oordeel aan die groot aantal BGN toernooie wat nou weer hier aangebied word, insluitend die liga. Die klub word ook gewild onder maatskappye wat ons geriewe wil gebruik om hulle funksies te hou.

Bertus se vergoeding word grootliks gedek deur die gereelde Boereworslopies wat deur Leon Smith aangebied en geborg word en wat skynbaar al gewilder word. Ondersteun dit asseblief.

Ons het ook belê in 'n grassnyer om ons afhanklikheid van die Stadraad met betrekking tot grassnyers en ander toerusting, te verminder. Daardie grassnyer is gesteel en gelukkig teruggevind, anders het ons 'n verlies van R20 000 gelei.

Die toekoms, wat ons perke en die moontlike inkomste daaruit betref, lyk nou beter en ons glo dit sal nóg verbeter.

'n Groot probleemgebied is die kommunikasie met die finansiële en eiendomsafdelings van die Stadsraad. Dawie het, in sy tyd as tesourier en sekretaris van die klub, baie ure bestee om uit te vind wat die stand van sake is met ons huur rekening en ook ons dienste rekening. Hy het ook ure in die kantore bestee om met die regte mense te probeer praat, sonder sukses. Intussen het ons betaal wat ons gemeen het die regte berekende bedrae was.

Dit is toe dat die Stadsraad skielik R30 000 van ons eis vir 'n jaar se huur. Die klub het hieraan begin afbetaal, maar ons kon steeds nie agterkom wat die stand van die rekening was nie.

Ons vaste maandelikse uitgawes het gestyg tot ongeveer R20 000 per maand, wat 'n reuse impak op ons reserwes het. Intussen het die Raad, wat na ons mening nie behoorlik boek gehou het van ons gereelde betalings nie, ons gedagvaar vir die uitstaande R30 000.

Die klub is dus in 'n situasie dat ons nie veel langer solvent sal kan bly nie, tensy iets drasties gebeur. Ons het al in die verlede op die lede se knoppie gedruk om met idees vorendag te kom om fondse te genereer en ook om, indien moontlik, vrywillige bydraes tot

die klub se finansies te maak sodat ons hierdie krisistye kan oorleef.

Daar is darem die moontlikheid dat die maandelikse kostes kan verlaag. Die Tshwane Sportkonfederasie, wat die skakel tussen die Stadsraad en al die sportliggame in Pretoria is, het ons saak met die Raad opgeneem en dit lyk asof ons dalk in die toekoms die huurgeld wat ons moet betaal sal kan verminder omdat die skuld afbetaal behoort te wees.

Daarom doen ek, namens die bestuur, 'n beroep op al ons lede om asseblief te dink aan maniere om inkomste te genereer. Ons vra ook dat, indien daar mense is wat dit kan doen, lede 'n vrywillige bydrae tot die klub se fondse sal maak. Die bestuur werk intussen, met die lede se hulp, aan maniere, soos die onlangse fondsinsameling, om fondse te in, om die krisis af te weer.

Bosman Olivier
President.

Disagreements are fine, disrespect isn't.

FONDSINSAMELING: 2 April 2022

Met kostes wat deurentyd vir almal net op en op gaan is 'n fondsinsamelingsdag by enige rolbal klub een van die dae op die sosialekalender om na uit te sien. By Centurion was dit ook nie 'n uitsondering nie en kon ons nie vir 'n beter dag op 2 April 2022 gevra het nie. Op 'n volmaakte dag het ons om 9h00, in karnaval atmosfeer, met 'n volgepakte twaalf bane afgeskop, met die eerste tien koppe van die dag se spel. Ons was natuurlik bevoorreg om ook



goeie verteenwoordiging te hê van ander klubs op wie ons altyd kan staatmaak, om ons getalle aan te vul.

Die verskillende kleure balle, soos 'n pakkie Smarties, rooi, groen, oranje, geel, bruin, swart en tot "poeier-blou" het die bane soos 'n kersboom

versier na die eerste rol. Die rolbal woordeboek kon ook duidelik tot sy reg kom met uitdrukkings soos "oepsie, agge-nee, te lank, te kort, wyer of nouer" en die gewone, "hierdie bane is die vinnigste waarop ek nog gespeel het" was ook weer duidelik onder, veral die gaste, te hoor.

Almal het egter die spel geniet en die dag het in 'n goeie luim, en rolbalgees verloop met heerlike kos, goeie kroegdiens en net die heel beste samewerking van almal.

Ons kan natuurlik nie nalaat om aan ons borge ook weer 'n spesiale dankie te sê vir hulle bydraes om ons fondse uit hulle vrygewige hande te sterk nie.

Met die wonderlike skenking, deur Yolande v d Westhuizen Audioloë, van 'n volledige gehoor toestel wat deur Herman du Plessis gewen is, kon jy die breë glimlag op beide sy en Elize se gesigte sien toe Herman verklaar dat hulle om die beurt, mekaar nou beter sal kan hoor.

Die Bestuur wil vir een en almal bedank vir al die werk wat ingesit was vir hierdie uiters suksesvolle dag. Die mooi bedrag van ongeveer R19 000 is ingesamel.

Wenners:	Gert de Jager en sy span van Groenkloof
Naas wenner:	Christine Marais en span van Lynnwood
Derde:	Herman, Elize, Conrad en Adri van Centurion.





Gratitude turns what we have, into enough.

Die **klubwedstyd** is ook in volle swang.

Lees asseblief julle WatsAapp boodskappe vanaf die kompetisie sekretarisse.

Wedstryde afgehandel:

Mans Gekose pare: Wenners.: Johan Meaker en Herman du Plessis

Naasweners: Piet Schutte en Gerrit Kamper

Dames Ope Enkels. Wenner: Tillie Kamper

Naaswenner: Hermien Velleman.

Die liga het al begin en ons wens al die spanne net die beste toe.

Skipers neem ook verantwoordelikheid en maak seker jou span weet waar en wanneer julle speel.

OEFENING OP ONS BANE

Lede wat gedurende die week oefen moet asseblief vanaf Maandag tot Vrydag eers na 13h00 begin. Daar moet asseblief net op die A-baan, of op die B- baan geoefen word. Nie op albei nie.

SPEZIALE OEFENING vind plaas elke Woensdagmiddag na 15:00. Ernst sal by die bane wees om te help indien jy hulp nodig het.

Baie dankie ook aan almal wat spontaan geldelike bydraes gemaak het vir die ekstra onkoste van die bane se onderhoud en vir julle wat agter die skerms help met die onderhoud van die masjienerie. Ons waardeer julle tyd en harde werk. Dis goed om te sien dat daar 'n gees van trots onder die lede is.

Die firma **Skitterskoon** is genader om die klubhuis 'n eenmalige skoonmaak sessie te gee aangesien **Willemiena** nie by alles kan uitkom. Baie dankie Liezel vir al jou insette om ons klubhuis keurig, netjies en skoon te hou.



When a flower doesn't bloom, you fix the environment in which it blooms and not the flower.

DATUMS om aan te teken.

7 Mei Meyersparkdag. Koste: R50 per persoon. Tee en ligte middagete. Centurion is die gasheer. Plaas jou naam op die lys op die bord en die keurders sal spanne trek vir die dag.

20 Augustus. AJV en prysuitdeling asook die viering van ons klub se 50ste bestaansjaar. 'n Half eeu oud. Hierdie is 'n besondere geleentheid.

Don't let your emotions overpower your intelligence

LIEF & LEED

- Bosman en Hermien gaan 'n kursus in Durban bywoon om te kwalifiseer as **KLASIFISEERDERS** van gestremde rolbalspelers.
- Bosman gaan ook aan die Nasionale gestremde kampioenskappe deelneem. Ons wens julle net die beste toe. Bosman, jy kan mos!! Hierdie toernooi vind plaas vanaf 21 to

28 Mei. Fondse is nodig om gestremdes finansieël te help en enige bydrae sal waardeer word. Daar is 'n wedstrydvorm agter op die kennisgewingsbord, waar jy 'n prys kan wen, of praat met Bosman of Hermien indien jy 'n ekstra bydrae kan maak.

- Welkom terug aan Willem en Ronel. Hulle was op 'n wonderlike toer van 10 120km oor amper drie maande deur Botswana en Namibië. Nou gaan daar darem visstories vertel word!!! Willem sal die datum van die visbraai later bekendmaak!
- Hans en Marsha gaan vir 'n paar weke vir hulle kinders in London en Amerika kuier.
- Koos het 'n suksesvolle katarakoperasie gehad.
- Thea, Daan en gesin, ons innige simpatie met die afsterwe van jou mammië, Thea.

**Death takes the body, God takes the soul.
Our mind holds the memories and our hearts holds the love.
Our faith lets us know we will meet again.**

DRANKPRYSE is effe op want die Minister van Finansies het sy sê gesê maar die manne is dit eens: Dit bly nog steeds 'n winskoop!!! Ondersteun ons kroeg.

*When you're dead you don't know you're dead.
The same thing happens when you're stupid*

KLEINJAN

More Ma.

Dit is nou vyf uur in die oggend hier by my. Alls gaan nog knop disselboom hier.

Ek as so bly om te hoor dat Blomkool se kalf darem nou goed suip. Ma sal sien hy gaan eendag n uithaler bul word.

Hier was weer allerhande kattes en strofes by ons. Ek het mos ook in 'n kompetisie gespeel vir ons klub. Ons span het ge wen met twee skiens teen een en ook die meeste punte. Ek sal as ek kom kuier vir ma kom verduidelik hoe werk dit, want dit is n bietjie ingewikkeld vir n persoon wat nie rolbal ken nie.

Ek weet nie wat die mense my noem nie, want hier is baie mense wat na ander goed voernoem word. Een is n skoonmaak middel wat ma in die kombuis gebruik. Sy naam is Wim. Die ander een is van 'n ander klub. Sy naam is Pep, soos daar waar ma my onderbroeke koop. Ek is baie bly dat Pep vir ons geskryf het oor etiket. Dit is soos in goeie maniere wat jy op en van af die baan moet hê.

Toe ons die kompetisie klaar gespeel het, het 'n speler van 'n ander klub sy etiket verloor. Hy was vir iemand baie kwaad. Ek kwout wat hy gese het, " Jy moet liewers stil bly of ek klap jou dat al die goud uit jou voortande sal spat". Ma dit was baie lelik van hom want ek dink as jou voortande se goud spat is dit seker n harde klap. 'n Mens sê nie so iets as jy etiket het nie.

Ek het gelag toe oom Wim vertel het van toe hy in die oorlog was. Hy was die baas van die valskerm soldate. Hy sê toe hy die eerste keer met die valskerm gespring het, het hy sy jis af geval. Hy het gespring toe die eroplain nog op die teerpad was waar hulle ry voordat die eroplain in die lug is. Hy het die instrukteur verkeerd verstaan en toe spring hy.

Het ma geweet dat daar drie Gerte in ons klub is. 'n Mens leer gou watter een is watter een. Gert Mieliemeel merk die bane met n roller wat hy vol mieliemeel maak en dan strepe op die baan maak sodat jy die bane mooi kan sien. Hy raak baie kwaad as die mossies die meel opvreet sodra hy klaar gemenk het. Hy gebruik partykeer groot woorde as hy die mossies wegjaag. Dan is daar kwaai Gert. Hy laaik nie om skip te speel nie. Die ander Gert is slim Gert want hy is ook n dokter en het ook onderwysers se kieriakielums gedoen.

Ons het ook agt Maas in die klub van wie drie eintlik paas is maar ook maas. Hulle is Ma-Rie. Ma-Rieta. Ma-Sja, soos wanneer ons vir wolf op die plaas se om die goeters te byt. Dan Maria en Ma-Rtie. Die Pa maas is Ma-Rsel, Ma-Tie en Ma-Rtin.

Ons is so bly dat ons drie ambagsmanne in ons toolboks het. 'n Mekeniek, 'n Elektriesin en 'n Plumber. Ons soek baie keer na die mekeniek. Hy is Erins. Hy weet alles van 'n grassnyer af. Ek weet nie of hy wiet ietters ook kan regmaak nie. Hy het, toe hy in die weermag was die kanonne gebou waarmee hulle vir swapo geskiet het. Die elektriesin sit nie globes in huise in nie. Net in karre. Hy maak ook kare se fliekers reg. Hy het al 'n knormoer ge re wind. Nee ma 'n knormoer is nie een van ons spelers nie. Dit is n starter om n trekker aan die gang te sit. Sy naam is Jakoe timmerman.

Die plumber is Louie. Daar was eers net koue water, maar Louie het die gieser wat in die vrouens se toilet is ge fieks. Nou het ons tot warm water in die mans se piepie bakke ook. Daar is nou al baie ooms en anties in ons klub. Dit is die litte wat oor tagtig is. Ma weet mos van die mense wat hulle tanne uithaal as hulle in die aand gaan slaap. Die ander litte is net mense en nog nie ooms of anties nie.

Die lit wat die dop by die bar verkoop het mos sy naam vergeet. As ek vra wie hy is sê hy net "die-ou". Tot sy vrou ken hom ook nou as die ou. Al die ander litte het ook sy naam vergeet. Hy is darem baie gaaf. Hy het vir my ge sê ek moet vir hom my bank kaartjie gee, toe slaan hy dit op n masjienkie. Nou kry ek al my dop verniet. Ek wil nie te veel bier drink nie want dan vergeet ek ook dalk my naam.

Ma Tilda was n onderwyserres. Sy is baie gaaf. Haar man is Gear It Kamper. Ek dink hy is nou al in vyfde rat want hy speel baie goeie rolbal.

Ek sal weer vir ma skryf want ek dink my ink raak weer bietjie min.

Groete aan almal daar.

Ma se verlangende Kleinjan

VERJAARSDAE IN MEI

Hartlik geluk en 'n jaar vol seën en Sy vrede aan almal.

VERJAARSDAE IN MEI

"It is our choices that show what we truly are, far more than our abilities"

2	Wim van der Waals
2	Pieter Morkel
10	Koos Slabber
13	Wally Smith
15	Jannie de Beer
16	Karien Roos
18	Gert Goosen
22	Anton Deetlefs
24	Corey Marais
25	Louis Botha
31	Speedy de Wet

VERJAARSDAE IN JUNIE

If you're stressed don't worry, just spell it backwards: It's DESSERT. Enjoy!

2	Bertie Loots
13	Frik van Niekerk
15	Herklaas Meyer
19	Nick Roelofse
19	Will Naude
20	Leon Smith
21	Jurg Odendaal
25	Cobus Aikman
25	Ben Foord
27	Hessie de Lang
28	Veronica Bannenberg
28	Maria Steyn
29	Johan Lamprecht
30	Duo Oosthuizen

*Listen to the wind, it talks,
Listen to the silence. It speaks,
Listen to your heart, it knows*

Diensrooster vir Mei en Junie 2022

Speeltye: Vanaf Dinsdag 3 Mei 2022.

Dinsdae en Donderdae oggendspel 0915 vir 0930 en Saterdag middagspel 1315 vir 1330

Pligte vir mans sluit die volgende in: Uitsit en merk van bane, hys van vlag (en stryk na spel), uitsit van spanne en drinkwater.

Pligte vir dames sluit in om Liezel te help in die kombuis indien sy hulp benodig en bereid wees om te help in die saal indien deur Bestuur versoek.

Indien jy op n spesifieke dag/maand nie jou diensbeurt kan nakom nie is dit **JOU** verantwoordelikheid om uit te ruil of iemand in jou plek te kry. **Sameroepers moet asb onderling reël.**

Mei 2022

Sameroeper Mans: Piet Schutte 073 232 9227

- Pieter Brits
- Nic Roelofse
- Piet van der Merwe

Sameroeper Dames: Karien Roos 083 643 0775

- Dalina Brits
- Isa Theron

Junie 2022

Sameroeper Mans: Willem van Zyl 082 375 1275

- Johan de Villiers
- Martin Snyman
- Emil Haarhof

Sameroeper Dames: Ronell van Zyl 083 334 3991

- Sue Render
- Wilma Olivier

Gedurende BGN wedstryde is daar altyd voorbereiding wat gedoen moet word op die dag van spel en dienste wat gelewer moet word. Baie dankie aan almal wat hulle dag opoffer en die leisels so mooi vashou. Ons waardeer julle insette.

Jy hoef nie alles uit elke dag se spons te druk nie.

VAN WAAR GEHASI?



ISA THERON is gebore as Isabella Johanna van Niekerk op 24 Februarie 1944 te Excelsior. Isa het daar in die distrik grootgeword, laerskool bygewoon en was hoofmeisie van Excelsior Hoërskool. Sport was altyd 'n belangrike deel van Isa se lewe en Tennis was hoog op die prioriteitslys.

Sy studeer musiek aan die UOVS en was 'n inwoner van Huis Kestel. Na voltooiing van haar studies aanvaar sy 'n onderwyspos by President Brandt Laerskool in Bloemfontein.

Isa trou met Dawid Theron en hulle verhuis na Durban waar hulle vir 4 jaar woon. Vier kinders is uit hierdie huwelik gebore en Isa is tans die trotse ouma van 13 kleinkinders en 3 agterkleinkinders.

Hierna verhuis hulle na Heidelberg waar Isa skoolhou by Volksskool Heidelberg vir 'n paar jaar.

Dawid aanvaar 'n pos as Rekenmeester by 'n myn in Welkom en Isa hou skool by Welkom Gimnasium vir die volgende 22 jaar, tot en met hulle afrede. Hulle is kranige kampeerders en saans word daar dan uit volle bors om die kampvuur gesing.

Met haar pragtige sangstem en kreatiewe talente bring Isa vele toneelopvoerings op die planke. Altyd met groot sukses. Ook sing sy in kore en was baie betrokke by koorafrigting. 'n Vrou van vele talente en goud werd vir enige skool. Sport en veral tennis het steeds 'n groot rol in Isa se lewe gespeel en hier speel sy Noord Vrystaat rolbal.

Na aftrede in 2002 kies hulle Heidelberg as hulle aftreebestemming en speel kompetierend rolbal. Isa blink uit en in 2005 is sy die naaswenner van Champion of Champions vir die Eastern Gauteng Bowls Tournament en in 2006, die jaar van Dawid se afsterwe, die wenner! 'n EGB Distrikspeler van formaat!

In 2010 oorreed haar kinders haar om in Pretoria te kom woon om sodoende naby hulle te wees. Sy besluit op Protea Aftreeoord, Gloverlaan in Centurion, waar sy nog steeds woonagtig is.

Isa sluit aan by Zwarkop Rolbalklub en nadat die klub gesluit het in 2018, word sy lid by Centurion Rolbal Klub waar sy 'n eerste liga spelers is. Isa is 'n aktiewe en geliefde lid van die klub, en moet mee rekening gehou word op die baan, waar sy 'n doodlike skoot kan trek! In Isa se eie woorde: "Ek het 'n WONDERLIKE lewe gehad!!!"

Gratitude can transform common days into thanksgivings, turn routine jobs into joy, and change ordinary opportunities into blessings. W A Ward.

Stuur asb jou nuuswaardighede aan Mari Flint by mari@veritasproperties.co.za of praat met haar op 082 392 3123

Besoek gerus ons Webwerf by: www.centurion.bowls-club.co.za

en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

secretary@centurion-bowls.co/za

Wanneer u e-pos aan hierdie adres stuur sal dit minstens al die lede van die Dagbestuur bereik